

## **NOTA INFORMATIVA**

O Concello de Muros informa que se vai abrir o prazo para solicitar as axudas para proxectos de enerxías renovables segundo a **“Resolución do 21 de febreiro de 2019 pola que se aproban as bases reguladoras das subvencións para proxectos de enerxías renovables, de uso térmico, dirixidas a particulares, para o ano 2019”**.

### **PERSOAS BENEFICIARIAS**

Poderán ser beneficiarias das subvencións, sen prexuízo de reuniren os demais requisitos establecidos nestas bases, **as persoas físicas titulares de calquera dereito sobre un inmovible de dereito residencial ou as comunidades e mancomunidades de veciños, sempre que as actuacións subvencionables descritas no artigo 4 se realicen en vivendas ou edificios do sector residencial sitos na Comunidade Autónoma de Galicia. Así mesmo, as agrupacións de persoas físicas, privadas sen personalidade**, as cales non poderán disolverse ata que transcorra o prazo de prescrición previsto nos artigos 35 e 63 da Lei 9/2007, do 13 de xuño, de subvencións de Galicia.

### **OBXECTO**

#### **Conceptos subvencionables**

##### **1. Serán subvencionables:**

- a) O equipo principal de xeración enerxética (paneis solares térmicos, bomba de calor, caldeira, ...).
- b) No caso da biomasa o custo do equipamento térmico e os seus accesorios principais (sistema de regulación e control, sistemas de limpeza, depuración de fumes, extracción cinzas).
- c) Resto de accesorios da instalación para o correcto funcionamento do sistema.
- d) O custo do sistema de almacenamento do combustible.
- e) O custe do sistema de alimentación do combustible.
- f) O custe de montaxe e conexiónado.
- g) No caso da enerxía xeotérmica o sistema de captación do recurso xeotérmico: sondaxes, intercambiadores, acumuladores, tubaxes, etc.

##### **2. Non son subvencionables:**

- a) Os gastos de funcionamento da actividade subvencionada e material funxible en xeral.
- b) Os gastos anteriores á presentación da solicitude.
- c) Equipamento e materiais de segunda man.
- d) As obras de mantemento e os gastos de aluguer.
- e) As taxas e licenzas administrativas.

- f) As conducións de distribución interior do calor e os equipos emisores, salvo cando estes sexan parte activa do circuíto de xeración térmica.

## CONTÍA

A contía da axuda será do 50 % do investimento elixible da instalación, tendo en conta o seu orzamento e os valores máximos por potencia definidos no artigo 5 destas bases reguladoras. A contía máxima por proxecto será de 60.000 €

Adicionalmente na procura de instalacións de potencia racionais, establécese un custo elixible máximo por vivenda segundo a seguinte táboa. Para estes efectos defínese vivenda como todo inmovible que se utilice ou fose deseñado para a residencia dunha familia, independentemente do tamaño desta e da súa tipoloxía (piso, vivenda unifamiliar, adosado, ...).

Tipoloxía	Investimento elixible máximo por vivenda (€ excluído o IVE)
Xeotermia	12.000
Aerotermia	6.000
Solar térmica	6.000

Cada entidade colaboradora poderá solicitar un máximo de 300.000 € en proxectos con reserva de fondos.

## PRAZO DE PRESENTACIÓN DE SOLICITUDES

As entidades colaboradoras adheridas son as encargadas de tramitar o procedemento. Estas serán seleccionadas mediante un procedemento sometido aos principios de publicidade, concorrencia, igualdade e non discriminación, que se regula na Resolución do 21 de febreiro de 2019 pola que se convoca o procedemento de selección das entidades colaboradoras que participarán na xestión das subvencións para proxectos de enerxías renovables para uso térmico e para proxectos de enerxía fotovoltaica, destinados a particulares, que se publicará simultaneamente ás bases reguladoras destas axudas.

O prazo de presentación de solicitudes de axuda **comezará o 15 de abril ás 9.00 horas e finalizará o 1 de xullo de 2019.**

## CONSULTA ENTIDADES ADHERIDAS:

<http://appsinega.xunta.es/entidadesRenovables2019/consulta/>

## INFORMACIÓN MÁIS DETALLADA EN:

[https://www.xunta.gal/dog/Publicados/2019/20190305/AnuncioG0474-210219-0004\\_gl.html](https://www.xunta.gal/dog/Publicados/2019/20190305/AnuncioG0474-210219-0004_gl.html)

[http://www.inega.gal/subvencions/subvencions/Energiasrenovables/2019/ficha\\_renovables2019\\_0003.html](http://www.inega.gal/subvencions/subvencions/Energiasrenovables/2019/ficha_renovables2019_0003.html)